

ხელშეკრულება სახელმწიფო შესყიდვის შესახებ № 74

ქ.დუშეთი

25 მარტი 2021 წელი

ერთის მხრივ, დუშეთის მუნიციპალიტეტის მერია წარმოდგენილი მისი მერის ზურაბ სეხნიაშვილის სახით, (შემდგომში „შემსყიდველი“) და მეორე მხრივ, შპს „საქართველოს ფოსტა“ (ს/კ 203836233) წარმოდგენილი მისი კომერციული დეპარტამენტის უფროსის მერი ბასილაშვილის სახით (შემდგომში „მიმწოდებელი“)

„სახელმწიფო შესყიდვების შესახებ“ საქართველოს კანონის 161 მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT---**210004458**) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მოწოდებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანია საფოსტო-საკურიერო მომსახურების (CPV კოდი- 64100000 - საფოსტო და საკურიერო მომსახურებები) შესყიდვა.
- 2.2. გასაწევი მომსახურების სრული აღწერილობა, ერთეულის ფასი და მიწოდების ვადა განსაზღვრულია თანდართული დანართების სახით.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს - 5 205 (ხუთი ათას ორას ხუთი) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მისაწოდებელი საქონლის მოწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, რომლის გადახდაზე პასუხისმგებელია მიმწოდებელი.

4. მომსახურების გაწევის პირობები

4.1. მომსახურების გაწევა უნდა განხორციელდეს ეტაპობრივად, ხელშეკრულების გაფორმებიდან 2021 წლის 31 დეკემბრის ჩათვლით, ტექნიკური დავალების შესაბამისად.

4.2. მიმწოდებლის მიერ მომსახურება უნდა განხორციელდეს საქართველოს მთელ ტერიტორიაზე.

5. შემსყიდვის ობიექტის მიღება-ჩაბარების წესი

5.1. შემსყიდველის მხრიდან მომსახურების მიღება-ჩაბარებას ახორციელებს დუშეთის მუნიციპალიტეტის მერიის ადმინისტრაციული სამსახურის უფროსი.

5.2. მომსახურება ჩაითვლება მიღებულად მხოლოდ გაწეულ მომსახურებაზე შედგენილი მიღება-ჩაბარების აქტის გაფორმების შემდეგ.

5.3. შემსყიდველმა უნდა შეამოწმოს გაწეული მომსახურება ხელშეკრულების პირობებთან მიმართებაში.

5.4. თუ, მომსახურება არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად.

5.5. შემსყიდველი ვალდებულია ოპერატიულად, წერილობითი სახით აცნობოს მიმწოდებელს შემოწმების შედეგები.

6. ანგარიშსწორება

6.1. ანგარიშსწორება განხორციელდება ეროვნულ ვალუტაში (ლარში) უნაღდო ანგარიშსწორების ფორმით.

6.2. ანგარიშსწორება განხორციელდება მიღება-ჩაბარების აქტის და შესაბამისი საგადასახადო დოკუმენტის (საჭიროების შემთხვევაში) წარმოდგენიდან 10 (ათი) სამუშაო დღის განმავლობაში.

6.3. საავანსო ანგარიშსწორება არ გამოიყენება.

7. ხელშეკრულების შესრულების კონტროლი

7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

7.2. შემსყიდველის მხრიდან ხელშეკრულების შესრულების კონტროლს ახორციელებს დუშეთის მუნიციპალიტეტის მერიის ადმინისტრაციული სამსახური .კონტროლი ხორციელდება მომსახურების მიწოდების პროცესში და მისი დამთავრების შემდგომ, მიღება-ჩაბარებისას.

7.3. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

8. ხელშეკრულების პირობების შეუსრულებლობა

8.1. თუ რომელიმე მხარის მიერ დარღვეული იქნა ხელშეკრულებით ნაკისრი ვალდებულება, მაშინ მას დაეკისრება პირგასამტეხლოს გადახდა შეუსრულებელი ვალდებულების ღირებულების 0,02%- ის ოდენობით ყოველ ვადაგადაცილებულ დღეზე.

8.2. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0,2% პროცენტს, შემსყიდველს უფლება აქვს შეწყვიტოს ხელშეკრულება.

8.3. მიმწოდებლის მიერ ხელშეკრულებით გათვალისწინებული ვალდებულებების შეუსრულებლობის შემთხვევაში შემსყიდველი უფლებამოსილია, პირგასამტეხლოს თანხა გამოქვითოს მოწოდებული საქონლის ასანაზღაურებელი თანხიდან.

8.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა განხორციელდება საქართველოს კანონმდებლობით დადგენილი წესით.

9.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

9.5 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი ძალის გარემოების შედეგი.

10.2. ამ მუხლის მიზნებისათვის “დაუძლეველი ძალა” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, და სხვა.

10.3. დაუძლეველი ძალის დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი ძალის ზეგავლენისაგან.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოში მოქმედი კანონმდებლობის შესაბამისად.

12. ხელშეკრულების მოქმედების ვადა ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2022 წლის 31 იანვრის ჩათვლით.

13. სხვა პირობები ხელშეკრულება შედგენილია ქართულ ენაზე, დამოწმებულია კვალიფიციური ელექტრონული ხელმოწერით/შტამპით, რაც წარმოადგენს ხელშეკრულების

ორიგინალს და ინახება მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მხარეთა ხელმოწერები:

შემსყიდველი:

დუშეთის მუნიციპალიტეტი

მის: დუშეთი რუსთველის ქ N27

ს/კ 229324451

სახელმწიფო ხაზინა

ბანკის კოდი TRESGE22

ა/ა ა/ა GE24NB0330100200165022

დუშეთის მუნიციპალიტეტის მერი

ზურაბ სეხნიაშვილი

მიმწოდებელი:

შპს „საქართველოს ფოსტა“

მის: თბილისი, ვაგზლის მოედანი 2

ს/კ: 203836233

საბანკო რეკვიზიტები:

სს „საქართველოს ბანკი“ ბ/კ: BAGAGE22

ა/ა: GE13BG0000000123286800

კომერციული დეპარტამენტის უფროსი

მერი ბასილაშვილი

შპს "საქართველოს ფოსტა"

ადგილობრივი გზავნილები

N	მომსახურების დასახელება	რაოდენობა არაუმეტეს	ერთეულის ღირებულება	საერთო ღირებულება
1	ნებისმიერი გზავნილის ტარიფი საქართველოს მასშტაბით 0 კგ-დან 50 გრ-მდე	500	8	4,000.00
2	ნებისმიერი გზავნილის ტარიფი საქართველოს მასშტაბით 50 გრ-დან 100 გრ-მდე	50	8	400.00
3	ნებისმიერი გზავნილის ტარიფი საქართველოს მასშტაბით 100 გრ-დან 250 გრ-მდე	40	8	320.00
4	ნებისმიერი გზავნილის ტარიფი საქართველოს მასშტაბით 250 გრ-დან 1კგ-მდე	50	9.5	475.00
5	ნებისმიერი გზავნილის ტარიფი საქართველოს მასშტაბით 1 კგ-ზე ზევით თითოეულ კილოგრამზე	10	1	10.00
	სულ ჯამი			5,205.00

მერი ბასილაშვილი

კომერციული დეპერტამენტის უფროსი

შპს „საქართველოს ფოსტა“ ეთანხმება და უზრუნველყოფს სატენდერო დოკუმენტაციის 1.2 მუხლით გათვალისწინებული მოთხოვნების შესრულებას.

„1.2 საქონლის ტექნიკური პარამეტრები/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

1. ადგილობრივი (საქართველოს ნებისმიერი ქალაქი) გზავნილების ჩაბარება არაუმეტეს 3 სამუშაო დღეში, (დღეების ათვლა განხორციელდება გზავნილის კურიერზე გადაცემის ან/და საფოსტო განყოფილებაში ჩაბარების მომდევნო სამუშაო დღიდან).
2. შესყიდვის ობიექტით გათვალისწინებული მომსახურების კონტროლისა და ანალიზის სპეციალური მენეჯერის გამოყოფა, რომელმაც უნდა უზრუნველყოს შემსყიდველის დროული ინფორმირება;
3. გზავნილთა ჩაბარების მდგომარეობის ამსახველი, ყოველთვიური სტატისტიკური მონაცემების მიწოდება შემსყიდველისათვის შესაბამისი გზავნილის რეკვიზიტებით. თითოეული გზავნილის ჩაბარებისა და ჩაუბარებლობის მიზეზების ამსახველი ელექტრონული დადასტურების დოკუმენტში - უკუგზავნილში გათვალისწინებულ ყველა ველში ინფორმაციის სრულყოფილი სახით შეტანა.
4. ადგილობრივი გზავნილების ონლაინ რეჟიმში თვალყურის დევნების სისტემისა (ე.წ. „თრექინგი“) და მისი კუთვნილი ვებ-გვერდის გამართული ფუნქციონირება, საიდანაც შესაძლებელი იქნება გზავნილის ნებისმიერი მოძრაობის სტატუსის ნახვა, რომლის სისწორეზე პასუხისმგებელი იქნება მიმწოდებელი;
5. უფასო საკურიერო მომსახურება, ყოველ სამუშაო დღეს. ასევე, მოთხოვნის შემთხვევაში შემსყიდველთან წინასწარი შეთანხმების საფუძველზე შემსრულებელი ვალდებულია გამოცხადდეს საფოსტო გზავნილის მიღების ადგილზე და უზრუნველყოს მიმწოდებლისაგან საფოსტო გზავნილის წამოღება.
6. გზავნილების ჩაბარება შემსყიდველის მოთხოვნის საჭიროების შემთხვევაში, უნდა განხორციელდეს შაბათ დღეს;
7. ადგილობრივი გზავნილის კურიერის მეშვეობით ადრესატზე/ფიზიკურ პირზე ჩაბარება პირადად, საქმიანობის ან საცხოვრებელი ადგილის მიხედვით. ადრესატისათვის საქმიანობის ადგილზე გაგზავნილი გზავნილი უნდა ჩაბარდეს კანცელარიას ან ასეთივე დანიშნულების სტრუქტურულ ერთეულს ან/და პირს, ხოლო ასეთის არყოფნის შემთხვევაში - შესაბამის უფლებამოსილ პირს, რომელიც ვალდებულია გზავნილი გადასცეს ადრესატს. გზავნილის ჩაბარება უნდა დადასტურდეს შესაბამის გზავნილის მიმღების ხელმოწერით, პირადი ნომრის მითითებით.

თუ გზავნილის ჩამბარებელმა ადრესატი ვერ ნახა საქმიანობის ან საცხოვრებელ ადგილზე, იგი გზავნილს აბარებს საცხოვრებელ ადგილზე მასთან მცხოვრებ ოჯახის რომელიმე სრულწლოვან, ქმედუნარიან წევრს ან საქმიანობის ადგილზე კანცელარიას. გზავნილის მიმღები ვალდებულია ჩამბარებლის მიერ წარდგენილ შესაბამის უწყებაზე აღნიშნოს თავისი სახელი, გვარი, ადრესატთან დამოკიდებულება ან დაკავებული თანამდებობა. თუ ადრესატი არ იმყოფება მისამართზე, ამ შემთხვევაში, მიმწოდებლის წარმომადგენელმა მას უნდა დაუტოვოს შეტყობინება. შეტყობინებაში აღნიშნული უნდა იყოს შემდეგი ინფორმაცია: გზავნილის ნომერი, საკონტაქტო მონაცემები და საფოსტო სერვისცენტრში დაყოვნების დრო. შენახვის ვადის განმავლობაში ჩაუბარებელი გზავნილი უბრუნდება დამკვეთს, უფასოდ შესაბამისი კომენტარით. ასევე გზავნილის ჩაბარების მიზნით უნდა განახორციელოს შემსყიდველის მიერ მითითებულ ადრესატის ტელეფონის ნომერზე დაკავშირება. გატანილი ანდა დაბრუნებული/ჩაუბარებელი გზავნილი უნდა აისახოს ელექტრონულად გზავნილის ისტორიაში გზავნილის უნიკალური შტრიხკოდის ქვეშ. თუ ადრესატმა უარი განაცხადა გზავნილის ჩაბარებაზე, შემსრულებელი ელექტრონული ანდა მატერიალური დოკუმენტზე აკეთებს შესაბამის აღნიშვნას, ხოლო გზავნილს 3 (სამი) სამუშაო დღის განმავლობაში უბრუნებს დამკვეთს.

8. საჭიროების შემთხვევაში, შესაძლებელი უნდა იყოს ამანათის დაზღვევა შემსყიდველის ხარჯით (სადაზღვევო რისკს წარმოადგენს დაკარგვა ან დაზიანება). საერთაშორისო ნორმებით დადგენილი წესის შესაბამისად, გზავნილი/ამანათი დაკარგულად ჩაითვლება მაქსიმუმ ერთი თვის გასვლის შემდეგ, რაც გზავნილის/ამანათის მარშრუტის სისტემაში აისახება ელექტრონულად.

9. სატენდერო დოკუმენტაციის დანართი №1-ით გათვალისწინებულ ფასთა ცხრილში მოცემული გზავნილების და ამანათების რაოდენობა არის საორიენტაციო. ხელშეკრულების მიმდინარეობისას შესაძლებელია რომელიმე ნაწილში არ იყოს სრულად გამოყენებული ან/და მოხდეს გადაჭარბებით გამოყენება, რამაც არ უნდა გამოიწვიოს ხელშეკრულებაში, სახელშეკრულებო ღირებულების ფარგლებში ცვლილების შეტანის აუცილებლობა და მომსახურების განხორციელების შეზღუდვა. აღნიშნული რაოდენობების ზედამხედველობა განხორციელდება მხარეების მიერ გამოყოფილი უფლებამოსილი წარმომადგენლების მიერ. აღნიშნული ცვლილება არ განიხილება როგორც ხელშეკრულების პირობების ცვლილება“

მერი ბასილაშვილი

კომერციული დეპარტამენტის უფროსი